

人物（侨寓）

經遠通志稿卷九十四 第一〇八冊

綏遠通志稿卷九十四

人物(僑寓)

塞北雖苦寒○然亦惟大雪至春分百餘日為然耳○平時物候固與燕趙秦晉不甚懸殊也○而華夏居民不究其實○往往以為一出邊關○便成絕域○是戍卒逃人○謹官逐客之所處○非中土樂生者之所願居也○於是談者寒心○聞者裹足○雖以徐霞客顧亭林之好游○而亦未嘗涉吾地○則俗說之移人○寧不甚可畏哉○本篇所收○除古謫籍及宦游若干人外○於近世之成家創業于斯土者○特不惜詞費○而詳為之說○亦欲破遠方道聽途說之誣○而為吾綏解嘲爾○

↑後漢

蔡邕字伯喈○陳留圉人○光和元年七月○邕應特詔問災變所

由因言災眚之發，皆婦人干政。小人在位之咎，及章奏帝覽而嘆息。曹節於後竊視之，宣語左右，事遂漏露。中常侍程璜使人飛章言邕數以私事請託司徒劉郃，郃不聽。邕欲相中，於是下邕於洛陽獄。論棄市，有詔減死一等。與家屬髡鉗徙朔方，居五原。安陽縣明年大赦，乃宥邕。還本郡，邕自徙及歸，凡九月，將就還路。五原太守王智餞之，酒酣，智起舞屬邕。邕不為報，智者中常侍王甫弟也。素貴，驕慙於賓客，詔邕曰：「徒敢輕我。」邕拂衣而去。智銜之，密告邕，怨於囚。放謗訕朝廷，邕慮卒不免，乃亡命江海，遠跡吳會。平中六年，董卓聞邕名，辟之不就。卓怒曰：「我力能族人。」邕不得已到署，祭酒甚見敬重。三日之間，同歷三臺。初平元年，拜左中郎將。及卓被誅，邕在司徒五元坐，殊不意言之而歎，有動於色。允勃然叱之，即收付。

廷尉治罪。邕遂死獄中。

↑北魏

高謚仕魏。位至侍御史。坐法徙居懷朔鎮。生子樹。性通率。不事家業。任居白道南。數有赤光紫氣之異。隣人以為怪。勸徙居以避之。樹曰：安知非吉？居之自若。謚即高歡之祖。樹則其父也。

↑唐

溫彥博字大臨，并州祁人。開皇末，對策高第，授文林郎，直內史省。隋亂，幽州總管羅藝引為司馬。以州降。彥博與有謀，授總管府長史。突厥入寇，以并州道行軍長史戰大谷。王師敗績，被執。突厥知彥博近臣，數問唐兵多少。及國虛實，彥博不肯對。囚陰山，苦寒地。太宗立，突厥歸款，得還。貞觀四年，遷中

書令封虞國公。突厥降，詔議所以安邊者。彥博請如漢置降
匈奴五原塞，以為捍蔽。與魏徵廷爭，徵不勝其辯。天子卒從
之。十年，遷尚書右僕射。明年卒，年六十三。
李益，字君虞，與韓翃齊名。每作一詩，教坊輒取為供奉歌詞。
登進士第，久不調，而流輩多在顯位。益不得意，北游河朔，有
登長城及飲馬泉，夜上受降城諸作。幽州劉濟辟為從事，憲
宗聞其名，自河北召，還用為學士。太和初，以禮部尚書致仕
卒。
趙合，太和初進士，遊五原，夜卧沙磧間，沙中有女子悲吟，起
問之，自陳姓李家，奉天城南小李村。往省姊，道遭党羌擄殺。
於此，今已三年，倘能歸骨，必有以報。合如言，收骨攜至奉天。
訪得小李村，葬之。明日見此女來謝，曰：吾大父有演參同契。

續混元經子能窮之龍虎之丹不日成矣合受之究其淵微
得度世見全唐詩序

杜牧字牧之遊邊詩曰日暮拂雲堆下過許崇字文化有五

原書事詩張蠡字象文有登單于臺詩儲嗣宗有過五原詩

晉江歐陽詹亦有游五原塞題詩俱詩人之曾寓邊城者

↑五代

于嶠後唐莊宗時與趙鳳俱為翰林學士而嶠亦許直敢言

與鳳素善及鳳已貴而嶠久不遷自以材名在鳳上而不用

因與蕭希甫數非斥時政尤詆訾鳳鳳心喻之未有以發而

嶠與隣家爭水竇為安重誨所怒鳳即左遷嶠秘書少監嶠

因被酒往見鳳鳳知其必不遜乃辭以沐髮嶠詬直吏又溺

於從者直廬而去省吏白鳳嶠溺於客次且詬鳳鳳因以其

↑元

事聞明宗下詔奪嶠官長流武州百姓又流振武天下寃之

麻革字信之臨晉人祖秉彝金皇統九年進士官兵部主事
革生中條王官五老之下長侍其先人西觀太華東游至洛
遂避地家焉金亡北渡嘗至雁門踰代嶺之北留滯居延己
亥夏赴試武川及秋歸道渾水登龍山絕頂自作游記隱居
教授而終人稱為貽溪先生

劉秉忠字仲晦邢州人少為僧世祖在藩邸開府於金蓮川
一見留侍左右即見親幸密謀大計莫不與焉受命後以天
下為己任知無不為其於陰陽術數之學占事知來若合符
契卒謚文貞有過豐州及雲內道中詩蓋未過時遊此

李德輝字仲實通州潞縣人天性孝悌操履清慎少嗜學苦

貧無資乃輟業年十六監酒豐州祿食有餘輒市筆札錄書
夜誦不休己乃厭糟麪遂謝絕所與游少年求先生長者講
學以卒其業世祖在潛藩劉秉忠薦之與竇默同辟使侍裕
宗講讀卒時年六十三
阿沙不花康里國王族也初太祖拔康里時其祖母新寡挈
二子曰曲律牙牙至京師太宗命有司治邸舍具廩餼以居
焉居二年聞國中已定留二子於京乃歸太宗召二子入宿
衛後十三年其祖母復來二子方從憲宗伐蜀既歸遂留居
焉曲律無子牙牙後封康國王生六子阿沙不花最賢年十
四入侍世祖賜土田給奴隸使居興和之天城世祖平乃顏
時議親徵命徵兵遼陽以千戶帥昔寶赤之衆從行及乃顏
平阿沙不花以大同興和兩郡當車駕所經有帷臺嶺者數

十里無居民。請詔有司作室。嶺中徙邑民百戶居之。割境內
昔寶赤牧地。使耕種以自養。從之。阿沙不花既領昔寶赤。帝
復欲盡徙興和挑山數十村之民。以其地為昔寶赤牧地。阿
沙不花固請存三千戶以給鷹食。帝皆聽納。民德之。飲食必
祭。

耶律楚材字晉卿。有過陰山。武川。天德。砂井。東勝。雲川。青塚。
諸詩凡數十首。見湛然居士集。移刺子春有砂井春韻詩。及
天德之王輔云。雲川之劉正叔。武川之嚴亞之。僕散今人。威
寧之珍上人。砂井之劉子春。皆嘗久寓斯土。與耶律楚材一
時唱和之吟。傳也。

太平字允中。初姓賀氏。名惟一。後賜姓蒙古氏。至正中。以安
定北邊功。召拜太傅。賜田若干頃。俾歸奉元。帝欲以伯撒里

為丞相乃辭曰臣不足以任宰相陛下必以命臣非得太平
同事不可於是密旨令其留太平毋行太平至砂井聞命而
止宿留久之皇太子惡其既去而復留也二十三年令御史
劾之詔乃悉拘所授宣命及所賜物俾往陝西之西居焉擢
思監因誣奏之安置土蕃尋遣使者逼令自殺太平至東勝
賦詩一篇乃自殺年六十三今托縣東北郊土人相傳為墓
者或說即太平葬處也確否待考

↑清

萬有孚字叔向山西偏頭關人父世德明薊遼總督有孚其
第三子也歷官工部主事廣寧兵備道鎮守遼左卓著政聲
自父以上五世顯官有孚昆仲四人並任要職值鼎革清軍
入關與其兄子鍊謀恢復鍊在啟禎間由錦衣衛記名提督

官至金吾將軍。順治三年冬，明桂王建號於廣西，川陝響應。時曲沃李建泰、寧武劉偉、朔州姚通、代州劉遷及偏關鄉宦王維垣、王彝鼎、王翊鼎與有孚鍊結連大同總兵姜瓖，舉義反正。署鍊為偏關道，坐鎮之。次年有孚攝道事，鍊則督兵外戰。敗退神池，被圍盡節於黃花嶺下。既而弟國孚、兄子鉞、同婦孫氏亦戰敗，舉火自焚，一門皆死。國難有孚倉卒攜族人及維垣家屬潛出塞入大青山，夜夢世德指息於產煤處，乃向蒙旗租地開採，以維生計。歷年既久，聚族而居溝，以姓名即今之萬家溝也。今溝內尚有其墓地，俗呼為萬三大人墓。其後裔在康熙間以人多傳播，朝命查詰甚嚴，遂徙居他處，改姓為菅，以誌萬字草頭，且為官也。世傳王氏流寓斯土者，後與蒙族婚，入旗籍，居畢鎮。且謂玉祿武爾功，即其後人以。

皆為王姓也。畢鎮附近蒙戶多有漢姓，而漢人中管姓者絕少。惟托縣有之，其族系亦不同。年湮代遠，殆難考知矣。

徐蘭字芬若，一字芝仙，江南常熟人。出漁洋先生之門，能詩工繪事。從安郡王出塞，見祁連山中花十數種，皆艷絕，不知名。中土所未有也。常畫便面，貽漁洋，并出塞詩數十篇，足備塞外風物考證。自言所過古廢城凡六，曰單于，曰蘇武，曰雲內，曰豐州，曰殺虎，曰土城。所見土產凡五，曰白草，曰雛鷹，曰麀鼠，曰瑪瑙石，曰酪酒。且言曾見李文煥修路碑，漁洋池北偶談及之。於此間掌故必多，考核惜未見其著述耳。有雨阻黑河及歸化城雜詠、長洲沈氏選入別裁集中。

錢良澤字玉友，江南常熟人。為詩豪放，嘗隨朝貴使絕域，所著有撫雲集、出塞紀畧等書。自言在歸化城喇嘛廟中見一

僧類有道者。邵陽魏氏記錄之。見宗教呼圖克圖條。
段應元字春溥。汾陽人。乾隆中以舉人官陽城教諭。嘗寓托
克托城。值歲饑。有貧民李材將鬻其養媳為人妾。應元出橐
中裝遺之。俾得完聚。事見汾陽縣志。志稱其生平義舉甚多。
此特其一端耳。

麻迷。叫太原人。本韓氏子。自幼祝髮。不解誦經。惟口吟麻迷
叫人。遂以呼之。雲遊四方。無定所。朱文正公為晉藩時。遇於
歸化城。異之。偕以歸。禿頭童顏。搖其頭。則腦動有聲。冬夏一
衲。不知寒暑。
韓嘉會字亨甫。山西平魯縣人。恩貢生。自其曾祖即教讀。歸
化祖。父改業商。父沒時。嘉會年十二。家無恒產。母張撫孤。就
食舅家者八年。塾師愛其才。督課不受束脩。年二十八。縣學。

即設館本城之玉皇閣閱三年食餼益力學而鄉試屢不售
乃廢時藝博覽群籍卒為名宿事母至孝戚里交贊持躬端
謹一以禮法自守而為後人嘖嘖稱道不置者尤在訓徒一
事不計貧富不分智愚嚴立課程必隨材啟發終日無倦容
於孝弟忠信諸大端藉篇章反復勸戒使能實踐其言雖蒙
童受書亦不輕曠一日功晚年從者益衆閒嘗誦豈能盡如
人意但求無愧我心二語以自警在歸城三十八年蒙漢生
徒多顯達者子秉鈞鄉宦篇有傳

張曾字小園崞縣人父守仁以選貢官孝義訓導究心理學
著有見聞困知一得諸錄曾性聰慧工詩古文尤長於駢體
書法亦有奇氣舉道光丁酉鄉試遊幕十餘年所至爭迎禮
為上賓軍興從戎關隴間以功游擢至布政使司理問卒光

緒初年歸綏道阿克達春禮聘至綏。主纂歸綏識略三十五卷。記載翔實。歸綏之有方志此其始也。其後光緒中山西通志歸化城廳志歸綏道志頗採其書。此外著有文集古近體詩若干卷。

張淑元字耐堂大同人。以明經主講歸化城義學二十年。從游者多所造就。子敬載孫濂三世皆為義學師。

吳天章字曉峰山西代州人。世居太和陵口村。廩貢生。淹通經史。尤工詩賦。每出一藝。老宿驚歎。故年少時即有小淵明之目。同治十三年游學歸化。時西路軍事未平。口外防務喫緊。總戎那公綜理歸化。稽查事宜。舊城五方雜處。奸宄最易潛跡。故特設專處以消亂萌。聞天章賢。延聘入幕。主文書。凡所借著悉中機宜。那亦傾心聽從。地方賴以安堵。其才識明。

敏類如此。光緒二年春，處所裁撤，設帳授生徒，而誨人不倦。循循善誘，與前之韓嘉會有同揆焉。而其得人為尤盛。嘗謂古豐名州，川嶽鍾靈，其風氣鄙俗，實學校不興之故也。乃與歸紳邢膺、周史煥、文具稟撫藩道府，請立學校，定考籍當道嘉其有志文化，卒由晉撫張之洞奏准實行。蓋口外七廳立學，定額先之以御史王賡榮之陳奏，繼之以歸紳天章等之稟請。先後事經十載，始自光緒十三年設儒學試生童焉。自是邊廳學風大開，舊習丕變。人文蔚起，天章倡導之力為獨多也。自光緒以還，一時才人名士盡出其門。近年負時望登仕籍者，如龔秉鈞、郭象伋、榮祥等皆其受業弟子也。晚年主講土默特啟運書院，勤懇施教，至老不衰。宣統三年六月卒於歸化。年七十六。歸葬原籍。著有韜齋詩文集及韜翁日記。

門人方將付梓。其家失慎。遺稿竟燬。惜哉。天章個儻尚大節。一脫俗儒之迂拘。尤留心經世之學。寢饋史籍最深。既屢試不得志。毅然以裁成後進為己任。見才而貧者。必力培之。使其成就。而後已。性好客。歲時伏臘。集故舊門人。宴飲於一堂。談笑縱橫。尚論今古。引為快事。或無資備酒饌。則典質以濟。用人或笑之不顧也。生平急難好施。不吝推解。窮途客子。貧老病死。得其欣助而生。還歸葬者。不知凡幾。宣統元年。旅綏。同鄉不欲沒其高誼。而及門弟子亦皆感其教澤。於是醵資勒石於城之南。茶坊外。紀其概要。以示來者。

高賡思。字谿亭。直隸寧河縣人。光緒中官至太常寺少卿。二十八年。貽穀奉命來綏。督辦蒙墾。次年授綏遠城將軍。暇閱署中藏書。以此邦志乘久闕。深致悵歎。丁未仲春。始延聘賡

恩至綏。總司纂輯。時歸化副都統文哲琿歸綏。道胡孚宸亦均欲為所屬作志。介穀為請。悉允之。經時七月而脫稿。成綏遠旗志十卷。土默特志十卷。歸綏道志四十卷。復為編墾政記。未及成書。旋以入冬。邊地甚寒。送歸里。綏遠土默特二志均已刊行。道志卒未付梓。各志以事屬草創。固極疏漏。然七閱月而成三志。非斷輪老手不辦也。張曾輯歸綏識略於同光間。綏之事蹟大端。賴以保存。民國二十年。綏遠創修通志。訪求道志遺稿於天津。得於前綏遠道尹周登暎家。惜篇目不完。僅存三十一卷。今藏館中。又浙人俞家驥著有五原廳志略。亦未梓行。清末五原設治。轄有今五臨安三縣地。其書於綏西風土。歷代邊防。紀述較詳。足資參證。聞綏修通志以原稿見遺。亦存於館。家驥字涵青。才具明敏。練達吏事。光緒

季年至。綏游幕十餘年。為當道所倚重。曾襄辦西盟墾務。入
民國後。服官晉省。嘗謂綏之發展。終在河套。就平日所見聞
成志略二卷。蓋將有所補輯而未果。亦于役邊疆者之有心
人也。

潘民表。浙江舉人。官候補道。後以邊賑僑寓口外數年。其初
歷充冀、豫、晉、秦、魯、隴各省賑務要職。光緒十八九年。承辦山
東卧牛山賑務。聞口外大荒。籲請魯撫撥鉅款十餘萬。攜赴
豐鎮。辦賑經畫。周至實惠。均沾遠近。難民得以全活者無算。
事竣。復在豐創立東西義賑局。收養男女饑民數百口。延聘
二師教授工藝。局中附設學塾。教貧寒子弟讀書。謀生計。又
樽節餘款。發商生息。計得息銀二千五百兩。錢六萬八千五
百串。購田地三十六頃。以地之所入為兩局常年經費。以故

兩局規模迄今弗替卒年六十餘民國六年閔邑紳商民衆
為之泐石表彰以垂久遠又曹永魁字星垣河北豐潤縣人
民表之幕友也生平踐履篤實不驚虛名潘卒後東西義賑
局歸永魁接辦蕭規曹隨以事必躬親實惠均霑為職志十
餘年來豐邑貧民訖無凍餒而死者卒之日士民如失慈母
邑人為刊石頌德至今不忘云

劉光裕字象賢山西平遙人父德元由原籍至豐鎮以醫為
業甚有隱德光裕慷爽好義嘗返籍曉行至岱岳鎮路拾被
套一內有白銀七十餘兩錢票四百串銀滙票七百兩乃急
返店貼報招領冒者踵至夜半一人來詰之鎗銖不爽如數
還之蓋省城滙兌局人從大同索債歸車中續殘夢而致遺
失也幼聰悟過目成誦以家貧親老棄儒學醫尤長於傷寒

證力行善事。至老不倦。年七十而卒。子三長照。慕入大同邑。庠次。映藜性孝友。亦精醫術。人稱為三世名醫云。

郭敏修。四川人。清咸豐末。以商游。後套。繼乃從事墾業。遂家於此。套地自道光後。纏金開放。杭達招墾。沿河地帶。漢民漸多。畊稼由是而起。而營蒙古商業者。亦錯居其間。爾時水利人亦未甚注意。每當伏汛。河水盛漲。次年就水漫之地。而種植之間。有近河處。引水灌溉者。類為各乘己便。無正式開渠種田者也。套民相傳。最初為甄魏二姓。道光間。曾經引用渠水。首為之倡。事莫能詳。其次為衆所稱道。而規模較大者。則有老郭渠。創開於同治八年。長百二十里。溉田千餘頃。引用數年。漸就淤塞。莫可為計。嗣經王同春詳測。改修渠道。乃暢郭王之交。遂日密切。光緒初年。敏修墾地。屢為杭旗所阻。以

商於同春。乃定議率衆械鬥。敗抗旗兵於今之公益社。及下
淖爾間。自後遂無阻滯。敏修德之。贈地若干頃。初同春至。套
傭工於其家。既而識拔之。使主渠工。且酬以地。俾可自立。基
業同春之發。輒奮跡。敏修之力為多。馬同治間。回首馬化。濛
據金積堡。叛匪衆東竄。焚掠後套。敏修聞匪且至。掘道成溝。
傾以火藥。引以串捻。上覆柴草。俟匪騎至。然捻引之火。發地
裂。匪多陷死。匪後至者。恨之。焚其積蓄。毀其廬舍。次年春。畊
苦無種子。事為防河大同總鎮馬陞所聞。陞亦川人。發糧千
石接濟。並撥兵以防後套。老郭渠為光緒中最早之大渠。水
道暢通。佃戶羣集。敏修本出仕族。遇人寬厚。子弟秀出。讀書
守分。套民皆敬重之。俗通稱郭老太爺云。貽穀辦墾。渠及墾
地。報効歸公。給銀九千兩。又好出資造橋。以利行人。今安北

五加河上六分子橋為光緒二十七年修三十一年又造橋
於德厚成亦其樂善好施之一端也子二鴻霖附生辛亥以
響應民軍殉難包頭鴻賓讀書亦能自立

↑民國

王同春字濬川直隸邢台縣人光緒初年隨父傑來河套傭
工自給及長以研求水利游寧夏歸縱覽周原大河縈繞草
木暢茂地皆膏腴而寥寥水田漸成荒陸慨然歎曰開渠而
不習地勢水性宜其易淤而無成也地商交城人張達獨躉
其言邀與商開新渠事光緒初首改修老郭渠即今之通濟
渠也先是地商郭敏修以渠淤將廢同春教以徙改渠口深
廣渠身水以大暢敏修大奇之六年開哈拉各爾河嗣又開
渠口至梅令廟五加河七年由和合源創開永和渠次年工

成設牛渠十八區年灌地五六千頃自開大渠五壑荒二萬
數千頃畊牛驟馬四五千羊十萬以上年收糧二十餘萬石
遂為後套地商之冠套地以纏金渠為最早即今之永濟渠
也康熙三十六年初定蒙界內民人畊種界外蒙古游牧
時以海宇清平孳生蕃庶界內人稠地狹多越界開墾私放
私種屢起爭端道光八年奉特旨開放纏金招商畊種杭達
二旗之地亦節次開墾甄魏二氏且早創修渠道於道光五
年一時套民轉相仿效而皆因陋從簡難規久遠自同春游
寧返套本其經驗智計擴大規模以謀遠利使數百里荒漠
之地不二十年而歲告豐稔煙火萬家以一匹夫無所憑籍
而成殖民實邊之大業亦奇偉人也同春軀體魁梧多智有
膽略出言若訥套民無蒙漢皆歸之善與教徒往來庚子之

變後套獨無教案。今五原境內迄無教堂。西入臨河則甚多。馬光緒二十八年。貽穀督辦蒙壘。晉撫岑春煊薦同春熟習西北水利。可大用。貽到綏任為嚮導。勘修測濬。歷著成績。三十年以西盟壘務總辦姚學鏡之督勸。舉渠地廬舍悉以歸公。或以借庇外人抵制進說者曰。地為國有。我為國民報効。歸公吾分也。民國二年。外蒙內犯套地淪陷。同春以總民警長率隊扼守南海渡。擊敗蒙兵白彥公。部於梅力更。召包頭賴以解圍。六月。佐寧夏護軍使馬福祥計擒庫倫偽帥蒙僧旺德呢瑪。五原自清末設治。隆興長歷任。仍寄治包頭。三年。同春集合邑紳創修縣城。由包移治。時南通張謇方長農商部。尤注意發展西北壘牧。夙聞其名。延致於京。聘為高等水利顧問。嘗參贊導。准計畫。力主引淮入海。不引淮入江。議者

躡之六年春盧匪受撫駐套索擾萬端同春籌備軍用力支
危局地方幸未糜爛當民國四五年間晉紳興辦晉北水利
延同春勘查桑乾河廣裕廣濟富山各渠擘畫悉中竅要嘗
語人曰直隸永定河溢常為畿輔之災大同平荒千里沿河
開數大渠以分其勢減下游災即以興上游利此以地予水
法也不猶較治下游與水爭地之為愈乎七年再自晉北回
套即重理舊業蓋其一生無他好唯嗜水利若命夏為西公
旗開珊瑚灣河渠八年復為西盟墾局重修通濟渠嗣有駐
綏旅長楊以來組灌田公社包辦官渠數年租悉分肥渠皆
於廢同春感慨今昔興廢之跡乃與邑紳請於官歸地方承
包永濟剛目豐濟沙河義和五大渠通其塞疏其淤又濬為
加河數百里縱橫貫注套境東北二百里已荒之地復變為

水田十四年西北邊防督辦馮玉祥銳意興復河套水利甚相倚重同春感知遇力疾勘測各渠以為施工張本旋以積勞於是年舊曆六月卒年七十四同春在套雖備歷艱辛蔚成大業而中經危難不一而足前後逮繫囹圄者四次光緒三十三年因壘案入獄拘囚五年之久辛亥冬地方騷動綏西尤甚將軍璽岫釋之使返包維持秩序民三之被逮殆將必置之死幸而部電調京始慶更生此亦地方人士奔走營救之力也光緒十七八年口外大旱災民紛紛入套同春開倉賑濟用糧萬餘石二十七年大饑復出糜米七八千石賑之前後活人無算三十年套匪劉天佑之亂大軍雲集全部食糧獨力任之省公家數千石挽輸之勞費每遇疑難渠工俛而察仰而思面壁終夜臨流癡立及豁然有悟往往登高

狂呼臨河踴躍以為生平第一快事其測工也卧地以窺得
悉地面高下按渠道寬深知水流速度預定灌田數量歷歷
不爽所開渠從無不暢達者當其全盛時人或稱為後套王
生殺予奪不減小國之君積威所至蒙漢人民莫敢抵抗其
亦虬髯之流亞歟

馬炳勳字大集山西保德縣人學術淵博而賦性恬淡不求
仕進民國以來流寓包頭八年蔡成勳為綏遠都統炳勳上
書陳防邊籌安之策中有勦匪墾荒整理鹽湖十數事召至
都署諮詢炳勳指畫形勢洞悉機要留署畀以秘書職非所
願也敦勉乃就著有西北要略未幾以性剛果不諧於時引
去綏之騎兵旅長鄭金聲嘗奉令勦匪率師赴包以匪悍勢
決策未定炳勳往見之曰師將何之曰擊匪恐難必勝故未

輕發炳勳曰兵果敢戰匪即可殲若能從我言無難剿者乃
自為嚮導軍行至達拉特旗二皇子壕掩擊之擒匪甚衆包
鎮賴以安者數歲達旗聞其名欲延為上賓贊畫旗務固請
弗就然生計窘困恒不克自給遇大雨雪終日不炊亦不出
惟讀書自娛年五十五卒於包頭城內

